

Anwezig: Emko Dolfing (drost), Bertus Mos (De Wolden), Willy Weerman (Börger-Odoorn), Rinus Bouwmeester (Assen), Tea Nijhuis (Noordenveld), Jan Hartlief (Aa en Hunze), Ans Klok (Westerveld), Annemiek Drenth (Emmen), Henk van Tellingen (Coevern), Leny Hamminga (Tynaorl), Geert Woldman (Midden-Drenthe)

Jan Germs, Renate Snoeiijing, Arja Olthof

Ofwezig: Yvonne Bijl (Hoogeveen), Eduard Annen (Möppelt)

1. Lösdoen

Renate dut de vergadering lös en gef an dat ze het mooi viendt dat zowat iederiene der vanaovend bij is.

2. Metdielings

- Willy Weerman hef anegeven dat hij het stokkie van taalschulte geern overdoen wil an een jongere generatie. Hij blef dan an as keurnoot en stopt er ok nog niet geliek mit. Volgende weke giet de oproep veur een neie taalschulte de deur uut, Willy blef veur nou nog even zitten, totdat der een neie is of totdat we dat aans oplossen kunt.
- Op de webstee wil we zoveul meugelk zaken zetten die as de taalschultes en keurnoten organiseert. Wij hebt van sommige evenementen gien weet en dat is jammer volgens Renate, want as we veurof dingen vermelden kunt, kan dat veur meer bezukers zorgen.
- Renate lat as “sneak-preview” het ontwarp van de neie webstee zien. Via Jan Hartlief was de vraag al binnenekommen of de taalschultes/keurnoten zölf een pagina vullen mugt mit heur eigen informatie. Geern! Dus: zorg veur een mooi stukkje tekst veur de eigen gemientepagina. Stukkies kuj naor Renate sturen. Laot in die tekst weten wie as de taalschulte en keurnoten bint, wat aj mit mekaar zo deur het jaor hen doet veur het Drents en waor as ze bereiken kunt as ze mitdoen wilt.

3. Veurstellen van neie taalschulte gemiente Emmen

Annemiek Drenth stelt zich veur as neie taalschulte veur de gemiente Emmen. Annemiek komp uut Emmer-Compas. In 2012 hef ze het Drents Liedtiesfestival ewunnen en daor weur de liefde veur het Drents nóg starker. Via Facebook zag ze de oproep veur een neie taalschulte, dacht eerst dat dat niks veur heur was. Mar nao een gesprek mit Renate is ze daor toch aans over gaon denken: ze viendt het een mooi gegeven um zich veur het Drents in te zetten. Ze hef nou um de dinsdag een rubriek op ZO34! over het Drents (soort 'Vraag van de Dag').

4. Verslag van dinsdag 19 november 2019 (bijlage)

Bertus Mos merkt op dat der veul niet-Drentse (of Nederlandse) woorden in het verslag staot. Wij zult der acht op geven dat dat minder gebeurt. Daor waar as het kan gaore wij aandere woorden gebruiken.

5. Benamingen 'taalschulte' en 'keurnoten'

Renate hef in de leste vergadering al anegeven daw aandere namen zuken mut. Die naam mut zorgen dat we niet over de naam an de praot bint, mar over de dingen die we as vrijwilligers doet. Ze hef in december al evraagd naor ideeën, mar hef niks ontvangen. Nou hef ze een bestand stuurd mit eigen veurstellen.

Nao een discussie over het hoe en waarom was nog niet dudelk dat de benamingen taalschulte en keurnoot sowieso niet blieft. Wel hebt er goeie gesprekken ewest over neie namen. Veur de ankommende taalschultevergadering hef iederiene de opdracht mitekregen zölf neie woorden te zuken en op te sturen an Renate.

6. In elk kind zit een verhaal

Vrijdag 28 februari is der op IKC G.A. de Ridder een officieel gebeuren:

1. Lösdoen van de meertmaond deur Cees Bijl;
2. Uutreiken van de eerste *Wiesneus 2020* an Cees Bijl;
3. Priesuutreiking *In elk kind zit een verhaal 2019-2020* deur Cees Bijl.

De kiender van de groepen 8a en 8b van de G.A. de Ridderschool studeert twee vrijheidsliedties in (uut de *Wiesneus*) en zingt die bij dizze bijienkomst. Harm Hadderingh les een verhaal uut de *Wiesneus* veur. Vleden jaor was een klaslokaal wat an de krappe kaant, maor van 't jaor zitte wij in een grotere ruimte. Dat mak het allemaal wat makkelker um iederien bargaen te kunnen.

De priewinnaars bint:

1. Maartje van Kesteren (G.A. de Ridderschoel - groep 8b) - contact Harm Hadderingh
2. Jane v/d Heuvel (W.A. Storkschoel in Dwingel) - contact Ans Klok
3. Ileen Nienhuis (OBS De Elsakker in Westervelde) - contact Tea Nijhuis
4. Finn Nijhof (groep 8 van IKC Margrietschoel in Smilde) - contact Geert Woldman
5. Hanneke Seton (CBS De Borgh in Börger) - contact Willy Weerman
6. Gerard van der Spoel (CBS De Borgh in Börger) - contact Willy Weerman

De verhalen bint vertaald en inespreuken in de eigen variant Drents, ze staot bijna allemaol op de wiesneussite.

Iederiene is van harte welkom bij het lösdoen van de Meertmaond.

Jan frag of we dit naojaor 'In elk kind zit een verhaal' nog weer vanneis zult doen. Het eerste jaor was de kwaliteit van de verhalen beter dan dit jaor. Het thema Vrijheid was aordig abstract veur kiender, samen mit begeleiding die te wensen overlat mak het tot een lastig gebeuren. Het was veur sommigen een stried um überhaupt verhalen te kriegen.

Conclusie: veur nou laote wij het rusten, wij zuukt naor een andere invulling.

7. Pauze

8. Veurlezen op de schoelen

Hoe stiet het mit de anmeldings en de planning van het veurlezen. Bint er overal genog veurlezers?

Ans hef twee neie veurlezers en hef alle twaalf schoelen vol.

Bij Willy mut nog een schoel veurzien worden, maor dat löp wel lös.

Leny hef in heur gemiente wisselnde bezetting, ok niet alle scholen doet mit.

Jan H hef een paar peuterspeelzalen/opvanglocaties derbij. Dat frag weer um aandere verhalen.

Iederiene die wil kan op 26 februari, um 19.30 uur bij het Huus van de Taol ankommen veur de veurleeswarkwinkel. Der bint nou 17 anmeldings.

Jan dut nog een oproep um de vrijheidtsliedties te numen bij het veurlezen en te zingen mit de klassen.

Willy wil weten of der ok drentstalige verhalen bint over de oorlog. Geert hef die wel, Leny hef ok een verhaal eschreven een paar jaor terug. Geert stuurt zien verhalen op naor Arja, die zorgt dat ze bij alle taalschultes koomt.

Arja frag of de veurlezers op scholen ok wilt uutkieken naor leraren die mitdenken wilt veur wiesneus.nl. Op veule scholen loopt al wel leraren rond die zölf ok wat mit het Drents doet. Vraag die es of ze wilt mitdoen. Namen/gegevens kuj deurgeven an Arja.

9. Meertmaond – streeктаolmaond

- Fransje Piepelaar van Leny wordt prissentear en is het cadeau veur de veurlezers. Wij hoopt dat het de 26^e der ok is. Wanneer de prissentatie precies is is nog niet bekend. De datum volgt.
- Volgende week bint de opnames van LOOS.
- DvhN: streeктаolpuzzel
- Der bint lezingen verspreid deur de provincie.
- Deur de provincie bint der streeктаolmiddagen en streeктаolquizen.

Bij het rondtie langs de gemienten stiet nog meer over meertmaond-activiteiten.

10. Weerumkieken op dinsdag 10 december (inloop veur vrijwilligers)

Renate vrag hoe de taolschultes (die west bint) en de vrijwilligers kiekt naor 10 december. Tea en Ans vunden het mooi, ze kriegt daar bijval van aandern.

11. Huusstijl in prissentaties

Renate hef bij de agenda een veurbeeldia (powerpoint) mitestuurd, die nou gebruikt wordt veur elke prissentatie die het Huus van de Taol gef. Ze viendt het belangriek dat as iederiene die te gebruiken aj op pad gaot: dat mak de herkenbaarheid van het Huus groter en zorgt erveur dat ze ons beter herinnert én herkent de volgende maol. Ok hef het een professionele uutstraling en kun we zo onze naamsbekendheid vergroten.

12. Rondtie langs de gemientes

- Noordenveld: Paais op de borden! Het eerste bord is al esteulen... Tea is trots op de borden en bij de onthulling was veul volk. Gisteraovend hef ze ok een negatieve reactie ekregen. Dat blef gebeuren bij dit soort zaken: der bint veur- en tegenstanders. Der komp nog een streeктаolstried en in de gemienteraad wordt nog een drentstalige bijienkomst eregeld. Jans Geerts regelde het veurlezen, mar hef anegeven dat hij gien keurnoot meer wezen wol. In zien gebied was dus eerst niks eregeld, mar mit mekaar is dat toch opelost. Tea hef der een neie keurnoot weer bij.
- Westerveld: Ans hef een anvroag bij de gemiente liggen um in het Drents te mogen spreken. Ze wil nog een keer veur het voetlicht brengen dat het Drents een echte, erkende taal is. Taal an Taofel is ofesleuten, mit 73 bezukers kan ze hier mooi op terugkieken. Hopelijk volgend jaor weer. Der staot nog hiel wat activiteiten op stapel: de oogstdag, de Nacht van de Nacht, een verhalenmarathon in een paar dörpen. Der bint twee neie keurnoten bij, in totaal hef Ans 15 keurnoten.

- Aa en Hunze: der wordt veurelezen bij peuterzalen, in de raodsvergadering is een stukkje in het Drents en de streeктаolstried was een groot succes. Veur de gemiente wordt er een kleine streeктаolstried eregeld: iedere dag stiet er een vraog veur de ambtenaren op intranet. Der is nou een Drenthecursus an de gang die Jan zölf gef, het gezelschap is gevarieerd. Ok bint er in meert nog quizen as Wel hef Geliek en Kuj 't even Wachten (pettie op-pettie of).
- Borger-Odoorn: spreken en gedichten kooft via Intranet bij de gemienteambtenaren terechte, Willy giet nuskassies maken mit kiender (in het Drents) en bezöch een paar scholen um oorlogsverhalen veur te lezen.
- Coevorden: op 26 meert stiet er streeктаolquiz op de rol, der wordt veurelezen op 18 scholen, o.a. deur burgemeester en wetholders. Henk hef nog 5 keurnoten over, het groepie wordt klein.
- Emmen: Annemiek wil geern mit andere taolschultes bespreken wat zij organiseren kan, ze denkt an streeктаolstried of pettie op-pettie of.
- De Wolden: der begunt 25 meert een Drenthecursus in Rune. Binnenkort is der weer een gezamenlijke aovend mit de Karstenhoeve. Bertus gef een vraog van een keurnoot deur: wij hadden eerder folders, die heb ik uutedeeld, maor wat hef dat veur uutwarking? Renate zöch het uut. Levert het wat op?
- Tynaarlo: Leny mag niet in het Drents praoten in de raodsaal. De burgemeester wil dan wel weer een abbonement op Zinnig. Der stiet sowieso een ofspraak van Renate en Leny mit de ambtenaar van cultuur. Op 20 meert is der een streeктаalstried. Op het terrein van Dennenoord is het evenement *Lopen en meer*: op verschillende plekken wordt muziek espeuld of een gedicht veuredragen. Der bint plannen um daor TBS'ers op te vangen, dat kan nog roet in het eten gooien. Even ofwachten dus.
- Midden-Drenthe: opening van de meertmaond gebeurt in het gemientehoes. De ofsluter is bij de gemientewerf. Der is een streeктаolstried, een streeктаolaovend in de bibliotheek, Geert giet naor de gemiente. Mit *Onder Professoren* treedt ze ok nog een keer of drie op. In de krant van Midden-Drenthe hef Geert het veur mekaar dat der een pagina vuld mag worden mit oorlogsverhalen. Dat mussen verhalen wezen die niet al te lang waren, mar nou bint de verhalen toch te lang... En de schrievers viendt dat heur verhaal niet korter kan. Maondag wordt hier wieder over espreken.
- Assen: op 6 meert is bij VanderVeen een streektaalaovend. Het is wat proberen, der is weinig ervaring. Jan Hartlief döt een taalspel, der wordt gedichten veurelezen. Twee keurnoten hebt zuch daor drok veur emaaft. In april is weer de fair in Loon.

13. Wat wieder op taofel komp en rondvraag

- Arja vrag naor het delen van informatie en bestanden mit mekaar: as der nou al spul is dat op de neie website (in het login-deel, niet veur iederiene toegankelijk) mag dat naor Arja estuurd worden. Die verzamelt het en zet het derbij, tegen de tied dat de webstee klaor is.
- Tea: der was altied een Drentse aovend, maor dat lop nou wat in de soep. Veurig jaor was een heel actief jaor, dit jaor is het onzeker of dat allemaole kan.
- Annemiek: wat vertelt jullie bij een inspraakmoment bij de gemiente? Ans hef heur stuk al klaor en mailt dat naor Annemiek. Tea gef nog wat ideeën deur (muziek, veurdrachten). Geert oppert nog een quiz, wat interactiefs.
- Willy: as ik nou zuuk naor Jonge Honden, kan ik gien liest vinden mit gegevens. Arja leg daor de contacten en mak een liest mit namen van de Jonge Honden.
- Willy is contactpersoon in de gemiente bij een cultuurproject veur 75 jaor vrijheid. Mit basisscholen gaot ze langs belangrieke plekken uut de oorlog (monumenten). Dat dut Willy in het Drents.
- Geert stuurt Arja de oorlogsverhalen, die bewaart ze en verspreidt ze onder de taalschultes.
- Renate vertelt dat er weer een *Taolschulte & keurnotenmorgen* an zit te kommen. Voorlopig in de Raadszaal van het gemientehuus in Beilen. Wij wilt ok wel een keer argens aans opan, mar hebt nog niks geschikts én betaalbaars evunden. As der goeie ideeën bint veur de invulling van het programma en veur een locatie: laot het heuren. Datum: zaterdag 18 april. Idee: Drents Museum?

14. Volgende vergadering ofproten en dichtdoen

De volgende vergadering is op donderdag 14 mei um 19.30 uur

bij het Huus van de Taol in Beilen.